

Broj: 05-187-4/20
Sarajevo, 07.02.2020. godine

Na osnovu člana 23. stav (1) tačka d) Zakona o Agenciji za bankarstvo Federacije BiH („Službene novine FBiH“, broj: 75/17), člana 16. stav 1) tačka j) Statuta Agencije za bankarstvo FBiH („Službene novine FBiH“, broj: 3/18), člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14), člana 10. stav (1) Pravilnika o postupku dodjele ugovora o uslugama iz Aneksa II. dio B Zakona („Službeni glasnik BiH“, broj: 66/16), a na osnovu preporuke Komisije za javne nabavke iz Zapisnika o pregledu i ocjeni ponuda u postupku nabavke usluga, broj: 05-187-3/20 od 07.02.2020. godine, direktor Agencije za bankarstvo FBiH donosi

ODLUKU

o izboru najpovoljnijeg ponuđača u postupku nabavke usluga

Član 1.

Prihvata se preporuka komisije za javne nabavke iz Zapisnika o pregledu i ocjeni ponuda, broj: 05-187-3/20 od 07.02.2020. godine i ugovor za javnu nabavku usluga sistematskog zdravstvenog pregleda radnika Agencije za bankarstvo Federacije BiH dodjeljuje se ponuđaču PZU Poliklinika „Atrijum“ Sarajevo.

Član 2.

Ukupna ponuđena cijena iz tačke I. ove odluke iznosi 48.549,00 KM bez uračunatog poreza na dodanu vrijednost (PDV).

Član 3.

Ova Odluka bit će objavljena na internetskoj stranici Agencije www.fba.ba, istovremeno s upućivanjem iste ponuđačima koji su sudjelovali u postupku javne nabavke, u skladu s odredbama člana 70. stav (6) i člana 71. stav (2) Zakona o javnim nabavkama.

Član 4.

Za izvršenje ove odluke zadužuje se i ovlašćuje Sektor zajedničkih funkcija.

Član 5.

Ova odluka stupa na snagu danom donošenja.

O B R A Z L O Ž E N J E

Postupak javne nabavke predmetnih usluga pokrenut je Odlukom o pokretanju postupka javne nabavke usluga, broj: 05-187/20 od 22.01.2020. godine. Javna nabavka je sprovedena u skladu sa Pravilnikom o postupku dodjele ugovora o uslugama iz Aneksa II. dio B Zakona o javnim nabavkama („Službeni glasnik BiH“, broj: 66/16, u nastavku: Pravilnik). Odredbama člana 7. stav (3) Pravilnika o postupku dodjele ugovora o uslugama iz Aneksa II. dio B Zakona o javnim nabavkama, Ugovorni organ je pripremio i objavio Poziv za dostavu ponuda (u nastavku: Poziv) na svojoj internetskoj stranici, te isti uputio na tri adrese. Procijenjena vrijednost nabavke utvrđena je u iznosu od 56.000,00 KM – bez poreza na dodanu vrijednost (PDV). U skladu s odlukom Ugovornog organa, imenovana je komisija za nabavke, kojom su definirane njene nadležnosti, koje uključuju poslove otvaranja, pregleda i ocjene

ponuda, te davanja preporuke za odabir najpovoljnijeg ponuđača. Slijedom navednog, komisija za nabavke je u okviru svojih nadležnosti i ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda u kojem je utvrđeno da su po predmetnom postupku nabavke evidentirane 2 (dvije) pravovremeno pristigle ponude, dostavljene od strane ponuđača PZU Poliklinika „Atrijum“ Sarajevo i PZU Poliklinika „Agram“ Sarajevo.

Na osnovu izvršene analize i ocjene pristiglih ponuda u pogledu zadanih kvalifikacijskih uslova nadmetanja, komisija je utvrdila da obje ponude u cijelosti ispunjavaju sve uslove i tehničke zahtjeve postavljene u Pozivu za dostavu ponuda, pa su iste ocijenjene kao prihvatljive za ugovorni organ.

U narednoj fazi rada, komisija je izvršila vrednovanje ponuda primjenjujući zadani kriterij najniže cijene tehnički zadovoljavajuće ponude, te u skladu s tim izvršila rangiranje ponuda kako je prikazano u narednoj tabeli:

Redni broj	Ponuđači	Ukupna cijena, bez PDV-a
1.	PZU Poliklinika „Atrijum“ Sarajevo	48.549,00 KM
2.	PZU Poliklinika „Agram“ Sarajevo	48.790,00 KM

Na osnovu svega navedenog, primjenjujući zadani kriterij najniže cijene tehnički zadovoljavajuće ponude, u skladu sa članom 64. stav (1) tačka b) i članom 70. stavovi (1), (3) i (6) Zakona o javnim nabavkama, članom 8. stav (2) tačka d) Pravilnika o uspostavljanju i radu komisije za nabavke, komisija je predložila da se ugovor za javnu nabavku usluga dodijeli ponuđaču PZU Poliklinika „Atrijum“ Sarajevo, kao najuspješnijem ponuđaču u predmetnom postupku nabavke, s ponuđenom cijenom u iznosu od 48.549,00 KM.

POUKA O PRAVNOM LIJEKU:

Protiv ove odluke može se izjaviti žalba Ugovornom organu – Agenciji za bankarstvo Federacije BiH, u skladu s odredbama članova 99. i 101. Zakona o javnim nabavkama (“Službeni glasnik BiH”, broj: 39/14).

Žalba se podnosi u pisanom obliku – u tri primjerka, u roku od 10 (deset) dana od dana obavijesti Dobrovoljnog ex-ante obavještenja o transparentnosti na Portalu javnih nabavki.



Dostaviti:

1. Ponuđaču u postupku: PZU Poliklinika „Atrijum“ Sarajevo
2. Ponuđaču u postupku: PZU Poliklinika „Agram“ Sarajevo